



[p. 37.]

## CAPVT III.

DE

DIVISIONE FEVDI, IN SPECIE  
FEVDIS PROPRIIS.

## DISTINCTIO I.

*Inter feudum proprium et im-  
proprium.*Explicatio  
rubri.

Ipsam naturam ac fundamentum huius distinctionis, iam exposui. 1) *Proprium* scilicet feudum dicitur, quod, praeter essentialia, omnia etiam feudi naturalia salva, nihilque praeter ea per pactum adiectum habet. *Improprium* est, cui saluis essentialibus naturalia quaedam feudi per pacta contrahentium adempta sunt, vel cui saluis caeteroquin per omnia essentialibus et naturalibus aliquid insoliti et a regula declinantis per pacta est adiectum. 2)

Vfus distin-  
ctionis

[p. 38.]

Vtilitatem quidem huius distinctionis, praeter eam, quod distinctius notari possint species feudorum, nullam esse putat Ge. BEYERVS 3) verum non satis perspicue ita docuit. Sat grauem enim huius distinctionis vsum adesse, sequentia probabunt.

I. Feudum *proprium* determinationem suam recipit ex iure vel communi, vel particulari, ideoque, si quaestio controuersa circa illud suboritur, ea ex communi feudorum natura per *Leges et consuetudines feudales vel uniuersales vel par-*

1) Ad cap. praec. Dist. I. MOEL.

2) I. Feud. I. §. vlt. I. Feud. 2. §. 1. et 2. II. Feud. 2. §. 2. II. Feud. 48. II. Feud. 81. MOEL.

3) in delin. iur. feud. cap. I. pos. 57. MOEL.